




BOSNA I HERCEGOVINA
VIJEĆE MINISTARA
Generalno tajništvo

Broj: 05-50-3069/09
Sarajevo, 13.11.2009. godine



PARLAMENTARNA SKUPŠTINA
BOSNE I HERCEGOVINE

- Zastupnički dom -


SARAJEVO

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 104. sjednici održanoj 12.11.2009. godine, utvrdilo je Odgovor na zastupnička pitanja koja je Momčilo Novaković, zastupnik u Zastupničkom domu Parlamentarne skupštine Bosne i Hercegovine, postavio na 60. sjednici ovog doma održanoj 16.9.2009. godine.

U privitku dostavljamo Odgovor uz molbu da isti uručite zastupniku.

S poštovanjem,


GENERALNI TAJNIK
Zvonimir Kutleša




**BOSNA I HERCEGOVINA
VIJEĆE MINISTARA**

Broj: 05-50-3069/09
Sarajevo, 12.11.2009. godine

Momčilo Novaković, poslanik u Predstavničkom domu Parlamentarne skupštine Bosne i Hercegovine, na 60. sjednici Predstavničkog doma Parlamentarne skupštine Bosne i Hercegovine, održanoj 16.09.2009. godine postavio je sljedeća poslanička pitanja:

- "- Koje firme su se prijavile za korištenje kvota za uvoz šećera u skladu sa izmjenama Zakona o carinskoj tarifi?
- Koliko je do sada iskorišteno od odobrenih kvota?
- Koje je mjere Vijeće ministara poduzelo u cilju efikasne kontrole radi sprečavanja eventualne zloupotrebe zakona?
- Da li je Vijeće ministara raspisalo javni tender ili oglas za korištenje kvota ili je pak pismeno upoznalo bilo koju zainteresovanu firmu sa izmjenama zakona?
- Kolika je šteta po budžet BiH i entiteta nastala do sada po osnovu korištenja povlastica iz navedenog zakona u odnosu na stanje da zakon nije donesen? „

Na postavljena pitanja, Vijeće ministara Bosne i Hercegovine je na 104. sjednici održanoj 12. 11. 2009. godine, utvrdilo sljedeći

ODGOVOR

Zakonom o dopuni Zakona o carinskoj tarifi BiH TARIFNI ANEKS-TARIFNE KVOTE ("Službeni glasnik BiH", broj 35/09) otvorena je tarifna kvota i utvrđena količina, za tarifnu oznaku 1701 11 10 00 – šećer od šećerne trske u čvrstom stanju, sirovi šećer bez dodatnih aroma ili materijala za bojenje, za rafinisanje, u količini 50.000 tona. Za navedenu tarifnu oznaku je propisano da će Vijeće ministara BiH najviše dva puta u toku kalendarske godine ponoviti utvrđene kvote, ako to budu tražile firme koje imaju kapacitete za preradu ovog proizvoda, instalirane u Bosni i Hercegovini, i ako se proizvod, koji je u pitanju, ne može osigurati po prihvatljivim cijenama na domaćem tržištu. Dalje je propisano da roba koja se stavlja u slobodan promet uz korištenje uvoznih kvota podliježe carinskom nadzoru krajnje upotrebe.

Radi potpunog odgovora na poslanička pitanja, Ministarstvo vanjske trgovine i ekonomskih odnosa je pribavilo potrebne podatke od Uprave za indirektno oporezivanje sa danom 30.09.2009.godine, i dostavlja sledeće odgovore:

- Jedini korisnik navedene tarifne kvote je preduzeće STUDEN-AGRANA D.O.O. Brčko.
- Sa navedenim datumom uvezena je količina 43.018,128 tona u vrijednosti 27.760.529,68 KM, tako da je iskorištenost tarifne kvote sa 30.09.2009.godine od 86,04%.
- Što se tiče pitanja o mjerama koje je poduzelo Vijeće ministara u cilju efikasne kontrole radi eventualne zloupotrebe zakona, ističemo činjenicu da je odredbama članova 198. do 207. Odluke o provedbenim propisima Zakona o carinskoj politici ("Službeni glasnik BiH", broj 63a/04) decidno propisana procedura kontrole krajnje upotrebe, kada je roba stavljena u slobodni promet po sniženoj ili nultoj stopi dažbina na račun njene krajnje upotrebe. Takva roba podliježe carinskom nadzoru krajnje upotrebe. Uprava za indirektno oporezivanje je

početkom septembra 2009.godine, izvršila kontrolu krajnje upotrebe u ovom preduzeću i tom prilikom je utvrđeno da je preduzeće postupalo po Odobrenju za korištenje carinskog postupka sa ekonomskim učinkom – krajnja upotreba, finansijski i količinski, kao i da je sirovina namjenski korištena za proizvodnju rafinisanog šećera.

- Vijeće ministara nije raspisalo javni tender ili oglas za korištenje kvota niti je pismeno upoznalo bilo koju zainteresovanu firmu sa izmjenama zakona, jer nigdje nije utvrđena takva obaveza za Vijeće ministara. Zakon o dopuni Zakona o carinskoj tarifi BiH TARIFNI ANEKS-TARIFNE KVOTE je objavljen u „Službenom glasniku BiH“, broj 35/09, na koji način su upoznati svi zainteresovani. Odredbama člana 208. Odluke o provedbenim propisima Zakona o carinskoj politici, propisano je da se dodjela tarifnog kontigenta vrši prema hronološkom redoslijedu datuma prihvatanja prijave za stavljanje robe u slobodan promet.
- Pitanje o visini štete po budžet BiH i entiteta nastale do sada po osnovu korištenja povlastica iz navedenog zakona u odnosu na stanje da zakon nije donesen, je nejasno, jer nije definisano o kojoj se šteti radi. Podsjećamo da je osnovni razlog za donošenje ovog Zakona, potreba da se domaćim proizvođačima šećera osiguraju približno isti uslovi privređivanja kao oni koje imaju proizvođači šećera u zemljama potpisnicama Sporazuma CEFTA i na taj način povećati korištenje instaliranih kapaciteta i zapošljavanje u Bosni i Hercegovini. Carinska stopa za šećer za rafinisanje iznosi 10+1%, dok se gotov šećer iz zemalja potpisnica Sporazuma CEFTA uvozi u Bosnu i Hercegovinu bez plaćanja carine. Ministarstvo vanjske trgovine i ekonomskih odnosa cijeni da je cilj zakona postignut, te da su finansijski efekti, oslobođanjem od plaćanja uvoznih dadžbina za sirovinu, postignuti korištenjem instaliranih kapaciteta i zapošljavanjem u BiH i omogućavanjem bh firmama da budu konkurentne na domaćem tržištu. Ističemo da je u ovom periodu primjene zakona došlo do znatnog povećanja cijene sirovog šećera na svjetskom tržištu, ali da je cijena finalnog proizvoda (rafinisanog šećera) u BiH 470EUR/mt, u Hrvatskoj je 590 EUR/mt i u Srbiji 520 EUR/mt.